

SOALAN NO. 34**PEMBERITAHUAN PERTANYAAN DEWAN RAKYAT**

PERTANYAAN : LISAN

**DARIPADA : YANG BERHORMAT TUAN GOOI HSIAO LEUNG
[ALOR SETAR]**

TARIKH : 8 MAC 2018

SOALAN :

YB Tuan Gooi Hsiao Leung [Alor Setar] minta PERDANA MENTERI menyatakan sama ada tujuan menubuhkan Bahagian Syariah dan Pengharmonian Undang-undang oleh Jabatan Peguam Negara adalah untuk memastikan semua undang-undang negara tidak akan bertentangan dengan Perlembagaan selaras dengan keputusan Mahkamah Persekutuan dalam kes M. Indira Gandhi pada 29 Januari 2018.

**JAWAPAN: YB DATO' SRI AZALINA BINTI OTHMAN SAID,
MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, berdasarkan Fasal (2) Perkara 145 Perlembagaan Persekutuan, Peguam Negara mempunyai kewajipan untuk menasihati Yang di-Pertuan Agong, Jemaah Menteri atau mana-mana Menteri mengenai apa-apa perkara undang-undang termasuk isu-isu berkaitan dengan agama Islam dan perundangan Syariah khususnya bagi peringkat Persekutuan dan Wilayah Persekutuan sahaja. Sehubungan dengan itu Jabatan Peguam Negara telah mengambil inisiatif untuk menubuhkan suatu Bahagian khusus di Jabatan Peguam Negara, iaitu Bahagian Syariah dan Pengharmonian Undang-Undang melalui Waran Perjawatan Bilangan A258 Tahun 2017 yang berkuat kuasa mulai 1 November 2017.

Penubuhan Bahagian Syariah dan Pengharmonian Undang-Undang bukanlah bagi menjalankan fungsi yang baharu di Jabatan Peguam Negara. Sebaliknya, ia merupakan penaiktarafan Seksyen Syariah yang telah ditubuhkan di Jabatan Peguam Negara sejak 1 Jun 2003 dan yang sejak itu diletakkan di bawah Bahagian Penasihat. Dalam melaksanakan fungsinya, Jabatan Peguam Negara sentiasa mengambil kira kedudukan Perlembagaan Persekutuan sebagai undang-undang utama Persekutuan.

Sekian, terima kasih.